

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Rituale Sive Obsequiale Ecclesiae Et Dioecesis Constantiensis

Constantiae, 1686

Ordo et modvs commvnis baptizandi plures vel infantes vel advltos tam
vnius quam diversi sexus

[urn:nbn:de:bsz:31-132849](https://nbn-resolving.org/urn:nbn:de:bsz:31-132849)



ORDO,
ET MODVS COM-
MVNIS BAPTIZANDI
PLURES VEL INFANTES VEL
ADULTOS TAM VNIVS,
QUAM DIVERSI SEXUS.

Primò Sacerdos indutus veste choralis cum
 stola, procedat ad fores templi, &
 signando se ✝ dicat.

IN nomine Patris ✝, & Filij ✝, & Spi-
 ritus ✝ Sancti, Amen.

Deinde petat à Patrini.

Begehrendt ihr daß diese Kinder getaufft werden?
 Respondeant Patrini.

Ja Herz.

Postea petat.

Ist aber keines vnder ihnen gäch getaufft worden?
 Si respondeant.

Ja Herz/das/ oder das ist gäch getaufft worden.

Dein-

Deinde observet rubricam supra positam
fol. 14.

Si verò respondeant.

Nein Herr.

Tunc pergat dicendo.

Wie sollende sie dann heissen?

Repondeant Patrini.

N. N.

Postea insufflet in facies singulorum per
modum ✠ crucis, & dicat.

Super
singulos.

E Xi ✠ * ab eo (ab ea) immunde spiritus,
& da locum adveniēti Spiritui Sancto
paraclito.

Presbyter deinde faciat signum Crucis,
in fronte & in corde cujuslibet
infantis, & dicat:

Super
singulos.

A ccipe signum sanctæ Crucis, Domini no-
stri JESU Christi, tam in ✠ fronte quam
in ✠ corde.

Postea legat super omnes simul.

Sumi-

Sumite fidem cœlestium præceptorum, tales estote moribus, ut templa Dei jam esse possitis; *Sequentia usque ad orationem in baptismo parvulorum omittuntur, & dicuntur solum si baptizandi sunt adulti.* Ingressiq; (ingressæq;) Ecclesiã Dei, evasisse vos laqueos diaboli, *lati (lætæ) agnoscite, horrescite idola, respuite simulacra, colite Deum Patrem omnipotentẽ, & JESUM Christum Filium ejus; Qui cum eodẽ Patre in unitate Spiritus Sancti vivit & regnat Deus, per omnia sæcula sæculorum. *R.* Amen.

Super omnes.

Si Catechumeni adulti fuerint Judæi, loco verborum (horrescite idola, respuite simulacra) dicatur, (horrescite Judaicam perfidiam, respuite Hæbraicam superstitionem.) Si sint Saraceni, vel Turcæ, vel Persæ, dicatur (horrescite Mahumeticam perfidiam, respuite parvam sectam infidelitatis.)

Dominus vobiscum.

Oremus.

Omnipotens sempiternus Deus, Pater Domini nostri JESU Christi, respicere dignare super *hos famulos tuos, quos (has famulas tuas, quas) ad rudimenta fidei vocare digna-

Super omnes.

F

tus

tus es, omnem cæcitatem cordis ab eis expelle, dirumpe omnes laqueos satanæ, quibus fuerant * alligati, (alligatæ,) aperi eis, Domine, januam pietatis tuæ, ut signo sapientiæ tuæ * imbuti, (imbutæ,) omnium cupiditatum fœtoribus careant, & ad suavem odorem præceptorum tuorum * læti, (lætæ) in Ecclesia tua tibi deserviant, & proficiant de die in diem, ut * idonei (idoneæ) efficiantur accedere ad gratiam baptismi tui percepta medicina; Per eundem Christum Dominum nostrum. *Re.* Amen.

Hic Sacerdos benedicat Sal, nisi habeat jam benedictum, cujus exorcismum requirat in principio libri fol. 7, deinde accipiat de ipso sale benedicto, & mittat in os cuiuslibet infantis, dicendo:

Super singulos.

N. Accipe salē sapientiæ, ut Christus sit tibi propitius in vitam æternam. Amen. Pax tecum.

O remus.

Super omnes.

Deus patrum nostrorum, Deus universæ conditor creaturæ, te supplices exoramus, ut * hos famulos tuos *NN.* (has famulas tuas *NN.*) respicere digneris propitius, & hoc

pri-

primum pabulum Salis gustantes, non diutius
 esurire permittas, quò minùs expleantur cibo
 cœlesti: Sint semper Domini spiritu ferventes,
 spe gaudentes, nomini tuo servientes, & perduc
 * eos (eas) ad novæ regenerationis lavacrum,
 ut cum fidelibus tuis, promissionum tuarum,
 æterna præmia consequi mereantur, Per Chri-
 stum Dominum nostrum. **R.** Amen.

Nota. Quoties ponitur in margine (super mas-
 culos) intellige talem orationem super mascu-
 los tantùm legendam; sicut quando ponitur
 (super fœmellas) super fœmellas tantùm: Re-
 liqua dicenda sunt tam super masculos, quàm
 super fœmellas.

ITEM SACERDOS TER INFANTES
 cruce signando dicat.

SUPER MASCULOS TANTUM.

Deus ✠ Abraham, Deus ✠ Isaac, Deus
 ✠ Jacob, Deus, qui Moyfi famulo tuo
 in monte Sinai apparuisti, & filios Israel de ter-
 ra Ægypti eduxisti, deputans eis Angelum pie-
 tatis tuæ, qui custodiret eos die, ac nocte, te
 quæsumus Domine, ut mittere digneris fan-

Super
 Mascu-
 los tan-
 tùm.

Etum Angelum tuum de cœlis, qui similiter
custodiat & hos famulos tuos **NN.** & perdu-
cat eos ad gratiam baptismi tui; Per Christum
Dominum nostrum. **℞.** Amen.

SUPER FOEMELLAS TANTUM.

Super
Foemel-
las tan-
tum.

DEUS ✠ cœli, Deus ✠ terræ, Deus ✠
Angelorum, Deus Archangelorum, De-
us Patriarcharum, Deus Prophetarum, Deus
Apostolorum, Deus Martyrum, Deus Confes-
sorum, Deus Virginum, Deus omnium bene
viventium, Deus, cui omnis lingua confitetur,
& omne genu flectitur, cœlestium, terrestrium,
& infernorum, te invoco, Domine, super has
famulas tuas, ut perducere eas digneris ad gra-
tiam baptismi tui; Per Christum Dominum no-
strum. **℞.** Amen.

PRIMA ADJURATIO DIABOLI
super omnes.

Super
omnes.

ERgo maledicte diabole, recognosce sen-
tentiam tuam, da honorem Deo vivo, &
vero, da honorem JESU Christo Filio ejus, &
Spiritui sancto, & recede ab his ✠ famulis Dei
NN. (famulabus Dei **NN.**) quia ✠ istos, (istas)

fibi

sibi Deus, & Dominus noster JESUS Christus, ad
 suam sanctā gratiam, & benedictionē, Fontē-
 que baptismatis, dono Spiritus sancti, vocare
 dignatus est, & hoc signum sanctæ ✠ Crucis,
 (cum pollice crucem faciat in fronte cujusli-
 bet infantis) quod nos frontibus * eorum (ea-
 rum) damus, tu maledicte diabole, nunquam
 audeas violare; Per eum, qui venturus est judi-
 care vivos, & mortuos, & sæculum per ignem.
 R. Amen.

SUPER MASCULOS TANTUM.

Oremus.

DEus immortale præsidium omnium po-
 stulantium, liberatio supplicum, vita cre-
 dentium, resurrectio mortuorum, te invoco
 super hos famulos tuos **NN.** qui baptismi tui
 donum petentes, æternam consequi gratiam
 spirituali regeneratione desiderant: accipe hos,
 Domine, qui dignatus es dicere, petite & acci-
 pietis; quærite & invenientis; pulsate & aperie-
 tur vobis; petentibus itaque præmium porri-
 ge, & januam pande pulsantibus, ut æternam
 cœlestis lavacri benedictionem consecuti, pro-
 missa tui muneris regna percipiant; Qui cum

Super
 Mascu-
 los tan-
 tum.

F 3

Patre,

Patre, & Spiritu sancto vivis & regnas Deus in
 sæcula sæculorum. **R.** Amen.

SUPER FOEMELLAS TANTUM.

Super
 Foemel-
 las tan-
 tum.

DEus ✠ Abraham, Deus ✠ Isaac, Deus
 ✠ Jacob, Deus, qui tribus Israhel de
 Ægyptiaca servitute liberaſti, & per Moysen
 famulum tuum de custodia mandatorum tuo-
 rum in deserto monuiſti, & Sufannam de falſo
 crimine liberaſti, te ſupplex deprecor, Domi-
 ne, ut liberaſ eas ſervas tuas **NN.** & per-
 ducere eas digneris ad gratiam baptiſmi tui;
 Per Chriſtum Dominum noſtrum. **R.** Amen.

SEDUNDA ADJURATIO
Diaboli ſuper omnes.

Super
 omnes.

ERgo maledicte diabole recognosce ſen-
 tentiam tuam, da honorem Deo vivo &
 vero, da honorem JESU Chriſto Filio ejus, &
 Spiritui ſancto, & recede ab his ✠ famulis Dei
NN. (famulabus Dei **NN.**) quia ✠ iſtos (iſtas)
 ſibi Deus & Dominus noſter JESUS Chriſtus,
 ad ſuam ſanctam gratiam, & benedictionem,
 Fontemque baptiſmatis, dono Spiritus ſancti,
 vocare dignatus eſt, & hoc ſignum ſanctæ ✠

Cru-

CRUCIS (cum pollice crucem faciat in fronte
 cu, uslibet infantis) quod nos frontibus* co-
 rum (earum) damus, tu maledicte diabole,
 nunquam audeas violare; Per eum, qui ven-
 turus est iudicare vivos, & mortuos, & sæcu-
 lum per ignem. **Rz.** Amen.

**EXORCISMUS SEQUENS DICA-
 tur tantum super adultos baptizandos, in
 baptismo verò parvulorum
 omittatur.**

A Udi maledicte satana, adjuratus per no-
 men æterni Dei, & Salvatoris nostri Filij e-
 jus, cum tua victus invidia tremens, gemens-
 que discede, nihil tibi sit commune cum ser-
 vis Dei jam cœlestia cogitantibus, renunciatu-
 ris tibi, ac sæculo tuo, & beatæ immortalitati
 victuris. Da igitur honorem adveniēti Spi-
 ritui sancto, qui ex summa cœli arce descen-
 dens, perturbatis fraudibus tuis, divino fonte
 purganda pectora, id est, Deo sanctificanda
 templa, & habitacula perficiat. & ab omnibus
 penitus noxijs præteritorū criminum* liberati
 (liberatæ) * hi famuli Dei **NN.** (hæ famulæ
 Dei **NN.**) gratias perenni Deo semper referant,

Super
 adultos
 tantum.

&

& benedicant nomen ejus sanctum in sæcula
sæculorum. *℞.* Amen.

EXORCISMUS SUPER
Masculos.

Super
Masculos
tantum.

EXorcizo te, immunde spiritus, in nomi-
ne Patris ✠, & Filij ✠, & Spiritus ✠
sancti, ut ex eas, & recedas ab his famulis Dei
NN. ipse enim tibi imperat, maledicte diabo-
le, atque damnate, qui pedibus suis super ma-
re ambulavit, & Petro mergenti dexteram por-
rexit, IESUS Christus Dominus noster, qui
venturus est judicare vivos, & mortuos, & sæ-
culum per ignem. *℞.* Amen.

EXORCISMUS SUPER
Fœmellas.

Super
Fœmel-
las tan-
tum.

EXorcizo te, immunde spiritus, per Pa-
trem ✠, & Filium ✠, & Spiritum ✠
sanctum, ut ex eas, & recedas ab his famula-
bus Dei **NN.** ipse enim tibi imperat, maledicte
damnate, qui cæco nato oculos aperuit, &
quadriduanum Lazarum de monu-
mento suscitavit.
℞. Amen.

TER-

TER TIA ADJURATIO DIABOLI
super omnes.

ERgo maledicte diabole recognosce sententiam tuam, da honorem Deo vivo, & vero, da honorem JESU Christo Filio ejus, & Spiritui sancto, & recede ab his * famulis Dei **NN.** (famulabus Dei **NN.**) quia * istos, (istas) sibi Deus & Dominus noster JESUS Christus, ad suam sanctam gratiam, & benedictionem, Fontemque baptismatis, dono Spiritus sancti, vocare dignatus est, & hoc signum sanctæ **✠** Crucis (cum pollice crucem faciat in fronte cujuslibet infantis) quod nos frontibus * eorum (earum) damus, tu maledicte diabole, nunquam audeas violare; Per eum, qui venturus est judicare vivos, & mortuos, & sæculum per ignem. **R.** Amen.

Super
omnes.

Oremus.

ÆTernam ac mitissimam pietatem tuam deprecor, Domine sancte, Pater omnipotens, æterne Deus, auctor luminis ac veritatis, super hos * famulos **NN.** (has famulas tuas **NN.**) ut digneris * eos, (eas) illuminare lumine intelligentiæ tuæ, munda * eos

Super
omnes.

G

(eas)

cas & sanctifica, & da eis scientiam veram, ut *digni (dignæ) efficiantur accedere ad gratiam baptismi tui, teneant firmam spem, consilium rectum, doctrinam sanctam, ut *apti, (aptæ,) sint ad percipiendam gratiam baptismi tui; Per Dominum nostrum JESUM Christum Filium tuum, qui tecum vivit, & regnat in unitate Spiritus sancti Deus, per omnia sæcula sæculorum. *R Amen.*

Dominus vobiscum.

Hic faciat crucem in ✠ fronte, ✠ ore, & ✠ pectore singulorum infantum dicendo.

Sequentia sancti Evangelij, secundum Matthæum.

Deinde imponat dexteram super unum infantem, scilicet masculum, si adsit.

Super omnes **I**N illo tempore: Oblati sunt JESU parvuli, ut manus eis imponeret, & oraret, discipuli autem ejus increpabant eos: JESUS verò ait illis, finite illos, & nolite prohibere eos ad me venire, talium est enim regnum cœlorum. Et cum imposuisset eis manus abiit inde. (*Hic deponendo manum dicat.*) Per istos sacros

fermo-

sermone indulgeat Dominus noster universa peccata nostra, & delicta. *Rz.* Amen.

DEINDE SACERDOS ADMONEAT populum astantem, ut simul dicat flexis genibus orationem Dominicam, Salutationem Angelicam, & Symbolum Apostolorum pro salute infantum.

Potest autem breviter monere populum, modo supra posito Germanicè, folio 26.

Postea flectat Sacerdos genua seorsim cum astantibus, & dicat ipse etiam Pater noster, Ave Maria, & Credo.

Si baptizandi fuerint adulti, Sacerdos tam Evangelium quam admonitionem ad astantem populum omittit, recitat tamen flexis genibus clara voce cum ipsis baptizandis orationem Dominicam, Salutationem Angelicam, & Symbolum Apostolorum, quibus dictis subjungit sequentem Exorcismum.

Advertat insuper, uti supra etiam monuimus, quòd si tempore hyemis ingens sit frigus, ne denudati infantes, eo nimium afficiantur, po-

terit commodè etiam hìc ante valuas Ecclesiæ breviter admonere Patrinos sui officij, ut supra fol. 29. germanicè positum est, & deindè ante Baptisterium solitam monitionem omittere: Si verò nullum sit frigoris periculum, eam differat usque ad locum solitum Baptisterij, surgátque, & pergat dicendo.

EXORCISMUS.

Super
omnes.

NEc te lateat, fatana, imminere tibi pœnas, imminere tibi tormenta, imminere tibi diem judicij, diem supplicij sempiterni, diē qui venturus est velut clibanus ardens, in quo tibi, atque universis angelis tuis, æternus superveniet interitus; Proinde damnate, atque damnande, da honorem Deo vero, & vivo, da honorem JESU Christo Filio ejus, & Spiritui sancto, in cujus nomine, atque virtute præcipio tibi, quicumque es, spiritus immunde, ut exeas, atq; recedas * ab his famulis Dei NN. (ab his famulabus Dei NN.) * quos (quas) hodie Deus, & Dominus noster JESUS Christus ad suam sanctam gratiam, & benedictionem, Fontémque baptismatis dono Spiritus sancti vocare dignatus est, ut fiant ejus templa

per

per aquam regenerationis, in remissionem omnium peccatorum: In nomine eiusdem Domini nostri JESU Christi, qui venturus est iudicare vivos & mortuos, & sæculum per ignem. **Rz.** Amen.

DEINDE EXPUAT IN TERRAM
miscendo sputum pulvere, & tangat pollice aures singulorum infantum, dicendo ad singulos.

Ephphetha; quod est, adaperire.

Postea nares dicendo.

In odorem suavitatis.

Demum subjungat.

Tu autem effugare, maledicte diabole, appropinquabit enim iudicium Dei.

HIS ERGO RITE PERACTIS, SACERDOS inducat infantes in Ecclesiam, porrigendo stolam portantibus eos, dicendo.

Ingredimini in Ecclesiam Dei, ut mereamini computari inter filios Dei; In nomine Patris, & Filij, & Spiritus sancti. **Rz.** Amen.

Super
singulos.

Super
omnes.

Deinde aspergat omnes aqua benedicta.
Quo facto, itur ad fontem baptismi, ubi
mulieres denudant infantes, & preparant eos ad
baptismum.

Sacerdos verò interim sumit oleum sacrum,
& chrisma præeunte candela: idem in loco
apto propè baptisterium collocat; Deinde Ma-
trinae in manibus teneant infantes coram Sacer-
dote vertente faciem suam ad Orientem. Pa-
trinos itaque atque Matrimas Sacerdos admo-
neat sui officij, modo supra dicto, folio 29.

Hic ponant Patrini & Matrinae manus super ca-
pita infantum, & proferant nomina
eorum, dicendo.

N. N.

Deinde Sacerdos petat de abrenuntiatione
satanae.

Super omnes. NN. Abrenuntiatis satanae?
N N. Widersagendt ihr dem Teuffel?

Respondeat quilibet Patrinus & Matrina
loco infantis; Si autè baptizandi fuerint adulti,
psimet ad singulas interrogationes respondeant.

Ich

Ich widersag.

Sacerdos.

Et omnibus pompis eius?

Vnd aller seiner Hoffart?

Respondeant Patrini:

Ich widersag.

Sacerdos.

Et omnibus operibus eius?

Vnd allen seinen Wercken?

Respondeant Patrini.

Ich widersag.

**Postea Sacerdos interroget de fide
infantum.**

Creditis in Deum Patrem omnipotentem,
creatorem cœli, & terræ?

Glaubendt ihr in Gott Vatter Allmächtigen/
Schöpffer Himmels vnd der Erden?

Respondeant Patrini.

Ich glaub.

Sacerdos.

Creditis & in JESUM Christum Filium ejus
unicum, Dominum nostrum; Qui conceptus
est de Spiritu sancto. Natus ex Maria virgine.

Passus

Passus sub Pontio Pilato. Crucifixus, mortuus, & sepultus. Descendit ad inferos: tertia die resurrexit à mortuis. Ascendit ad cœlos, sedet ad dexteram Dei Patris omnipotentis. Inde venturus est iudicare vivos, & mortuos?

Glaubendt ihr auch in IEsu[m] Christum seinen einigen Sohn / vnsern H[er]m / der empfangen ist von dem heiligen Geist / geböhren auß Maria der heiligen Jungfrawen / gelitten vnder Pontio Pilato / geereuziget / gestorben / vnd begraben / abgestigen zu der Höllen / am dritten Tag wider auff erstanden von den Todten / auffgefahren gen Himmel / sitzet zu der gerechten Hand Gottes Allmächtigen Vatters / von dannen Er kommen wird zu richten die Lebendigen / vnd die Todten?

Respondeant Patrini.

Ich glaub.

Sacerdos.

Creditis & in Spiritum sanctum, sanctam Ecclesiam catholicam, Sanctorum comunione[m], remissionem peccatorum, carnis resurrectionem, & vitam æternam?

Glaub

Glaubendt ihr auch an den Heiligen Geist/
ein heilige allgemeine Christentliche Kirchen / Ge-
meinschafft der Heiligen / Vergebung der Sünden/
Aufferstehung des Fleischs / vnd ein ewiges Leben?

Respondeant Patrini.

Ich glaub.

Hic jubeat deponi manus patrinorum di-
cendo.

Legendt die Hand ab.

DEINDE SACERDOS RECIPIAT
quemlibet infantem, primò masculos, deinde
foemellas, tenens * eos (eas) cautè super Bap-
tisterium, & faciat crucem, intincto pollice
cum oleo sancto, primò in pectore infantis:
deinde in scapulis: & proferat nomen ejus di-
cens:

N. Ego te ✝ linio (Hic faciat crucem in ^{Super}
pectore) oleo salutis; In Christo JESU ✝, ^{singulos.}
(Hic faciat crucem inter scapulas) Domino
nostro. R. Amen.

Postea proferat Sacerdos nomen infantis,
& dicat.

H

N. Vis

N. Vis baptizari ?

R. Wilt du getaufft werden ?

Respondeant Patrini. Volo.

Ich will.

Deinde petat denuò Sacerdos à singulis patrinis.

Ist das Kind aber nit gäch getaufft worden ?

Si respondeant.

Ja Herz.

**Tunc non rebaptizet, sed seruet ea, quae
suprà sunt posita folio 14**

Si verò respondeant.

Nein Herz.

Tunc baptizet quemlibet infantē his verbis.

N. Ego te baptizo in nomine Patris ✠, &
^{Super} **Filij ✠, & Spiritus ✠ sancti. R.** Amen.
_{singulos.}

Si verò infans sit sub conditione baptizandus, utatur hac forma.

N. Si tu es baptizatus, ego te non rebaptizo:
Sed si non es baptizatus, ego te baptizo in nomi-
ne Patris ✠, & Filij ✠, & Spiritus ✠ sancti.
R. Amen.

DEIN.

DEINDE PATRINUS INFANTEM
 recipiat, tenendo eundem, quoad Sacerdos
 chrisma requirat, & hæc verba
 proferat.

Deus omnipotens, Pater Domini nostri
 JESU Christi, qui te regeneravit ex aqua,
 & Spiritu sancto, qui que dedit tibi remissionem
 omnium peccatorum tuorum.

Super
 singulos.

Hic faciat Sacerdos crucem cum chrismate,
 non in fronte infantis, sed in ejus vertice
 dicens.

Ipsè te liniat chrismate ✝ salutis in Christo
 JESU, Domino nostro, ut habeas vitam æ-
 ternam. **℞.** Amen.

Posthoc Sacerdos ponat linteam super caput
 infantis dicens.

N accipe vestem candidam, sanctam, &
 imaculatam, quam perferas ante tribu-
 nal Christi, ut habeas vitam æternā. **℞.** Amen.

Super
 singulos.

Si sit puer dicat signando eum signo
 crucis.

Vade in pace ✝, pax tecum.

Ordo baptizandi plures.

Si verò foemina.

Vade in pace ✝, fides tua te salvam fecit.

His ita ritè expletis observet Sacerdos baptizans
 ea, quæ supra post primum ordinem baptizan-
 di dicta sunt. fol. 37. & nomina baptizatorum,
 eorúmque Parentum, & Susceptorum in
 libro Baptismali diligenter
 describat.



ORDO